

## 2 Sóni

# Ebeq sáhnsahwe ah-tebé ehwéhne.

Mah pahsíípéq Sóni áwíq íre kéhrara peh ahtebia kégá Sóniga aiq sehiranúwe íwíáhowe. Segá iwíáhome wene naruoyabé áhreú púana wenawíq íre sehiranúwe. Mina únserah wega Sísá tagariáh kée íwíáhéna omaq atéh ínínseq wene animárínseqsabé pabeqme ehwéhnue sehiranúwe. Áhnte ahtébiá kégá mira íwíáhowe. Ite íre tagarione. Páhsí sehiranú aninká mahraréna, Mó keyábé irutaboiroro. Péhe éhwéh tei teino kegá Sísá Karáhé wehukení úkue tumíonsabe íre aiq pútare atáhwe. Mi kewé Sísá Karáhéne naruwo woe ue sehiranúwe.

### *Sóniga ákáhpi sehiranú pahsié.*

<sup>1</sup> Manikánka omaq atéh ínínseq arene animárínseqsabé íné Sóni aboawah wehéna teiúge. Itega aiq pútaq sansá sehgiónsabé itensabé nirutaboiruge. Íre ínébataq ínéga peh ómi aiq pútaq ehwéh sehgió kerekka itensabé irutaboirúne.

<sup>2</sup> Aiq pútaq ehwéh itene irupipeq kagaéna ahri-ahri mitaq kagai puaq itensabé irutaboirúne.

<sup>3</sup> Maniká Iteriboreq wenahni Sísá Karáhéreqka ite séhréh aitera sirutaboiraitera iru ukiq itehye. Segá aiq pútaq sansánéra itensabé sirutaboiraitehye.

*Mó keyábé irutaboiré sansa kawerue sehgióro i  
ehwéhne.*

**4** Itene animári aiq pútaq ehwéh sehgónsábé iwíah íwíahuge. Sega Maniká Iteriboga sehgóro ú ehweh aiq írahwe.

**5** Ínéga teiú éhwéhmé kawerue írahro. Íre o sehgóro i ehwéh sehiranue teiúge. Mah ehwéhmé itega téh aiq írátó ehwéhne. Wensabé wensabé arutaboiratéhoro éhwéh teiúge.

**6** Irutaboiré sansamé mahraue kéhre. Manikáne sansá sehgóro ire. Wega sehgóro ú ehweh téh írátówe. Mí ehwéhmé mahraréna, Irutaboiré sansa kawerue sehgóro ire.

*Sísa Karáhéne ehwehme ambubu atawéq sehgióneheqmúne i ehwéhne.*

**7** Áhnte péhe ehwéh irare ke mah marákóípéq míahwe. Sega Sísa Karáhé wehukení úkue tumíonsabe íre aiq pútare atáhwe. Mina tahnsa kewé péhe íwíah aitahráho ke méra sewe Sísa Karáhéne naruwo woe.

**8** Itega kaweq arámbéhríuronsabé ápeq tabanaginehboq kawerurero. Itene ápeq moke meyagéhboq kaweroro.

**9** Sísa Karáhéne ehweh suena mó ehwéh sehgiánímé Maniká moq aiq áuwéhre. Sísa Karáhéne ehweh ambubu atawéna sehgiánímé Manikánseq wenahninseqka wereq mía míáoye.

**10** Íre Sísa Karáhéne ehweh peh mó ehwéh íwáhnori anínká iteba sínaraq we mehwéh atého. Itene nahupeq móátéhboq peh áwérágahro.

**11** Péhe ehwéh íwáhnori aní mehwéh atéh anínká wene ahababáq sansa séhréh atéhre.

*Sóniga mi ke koragéyabe awahbeh ehwéhne.*

**12** Íné áhnte mó ehwéh kéhranawe amahnága pépahqtaq sehiranéyabe nuwahriehre. Iteba korragéyabe nuwahbehre. Iteba konaraq itereq moráráq ehwehnéq mi tanáhráq iwíáh iwíáhonehe.

**13** Manikánka omaq atéh íní arenanahnnone animárínká itensabé iroro ewe.

**Manikáne O Ehwehne  
God's New Talk: The New Testament in the Awa  
Language of Papua New Guinea  
Nupela Testamen long tokples Awa long Niugini**

copyright © 1974, 1997 Wycliffe Bible Translators, Inc.

® Faith Comes by Hearing

Language: Awa

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

---

PDF generated using Haiola and XeLaTeX on 28 Dec 2024 from source files dated 31 Aug 2023

9673cf68-887a-574e-9ac8-846469c86b12